

# OMUKWETU

Registered at the General Post Office as a Newspaper

10c



Omufitaongalo A. Kanhalelo

## OTA FUDA PO NE KOILONGA.

Osho omuwiliki K. Dumeni a tumbula moshivilohambelelo shomushamane Andreas Kanhalelo oo a ningilwa oshivilo shetulumuko eshi a kala moilonga yOngeleka ongomufitaongalo eedula 39.

Omushamane Kanhalelo okwa pewa openzione yaye meti 28.3.76 manga e na oungthono inava dindoloka mo, opo a tulumukwe koilonga yOngeleka, unene koisho ihapu yeongalo.

Omufitaongalo Kanhalelo okwa dalelwa mOshuungu mOukwambi modula 1902. Okwa putukila momukunda Oshali, mOukwanyama, nokwa kala ha longo ofikola manga omumati, mOmukunda Omakango, popepi nEndola nosho yo pOmusheshe popepi nOngwediva. Mofikola yovamati okwa kala mo okudja 1926-1928 nokonima eshi a pita mofikola

yovamati, okwa kala omuhondji woikutu yoshilumenhu noyovakainhu mofitola yofikola yovamati mOngwediva 1929-1931. Okwa kala moseminali youlongi mOniipa 1932-1934 nokonima eshi a pita okwa tambulwa mofikola youfita 1935-1937.

Manga ina yapulwa okwa longa manga oshilonga shoufita omudo 1946. Eshi a pita mofikola youfita okwa nangekwa meongalo Eenhana, omo a yakula ovakriste nomwenyo muwa, fiyo odula 1946.

Pokati opo manga e li mEenhana, okwa ile moita, nokwa kala omufita wovakwaita 1942-1944. Ovakwaita vahapu ova shashwa kuye manga va li meekamba dovakwaita.

Okwa twikila okuyuka mOushilo, eshi Ongeleka ya li tayi indile onhele kEpangelo, opo li dimine Omundaungilo u tungwe. Oye a itavelelwa kEpangelo a ka tote Omundaungilo, onghe pokati komudo 1946 a ka tota Omundaungilo omo a kala moilonga eedula 30.

Okwa longa oshilonga shaye nouidiinini fiyo efiku 1.1.76 omo a pewa etulumuko.

Moshivilo omu oye pamwe na meekulu Viktoria Kanhalelo ova li shili vawa okutala eshi ve li omutumba koipundi yetulumuko hanga va fa efiku linya lavo iha ve li dimbwa.

"Tatekulu Andreas Kanhalelo oshilonga eshi okwe shi longa nelininipiko, nouidiinini, nohole nonomwenyo muwa," osho omulongi umwe Mikka Jakob a tumbula moshivilo. "Onye mwe mu kulupika, mu fileni hano oshisho moinima aische, nye mu mu ilikane ne ngashi hamu shi ningi shito". Osho omuwilikingeleka Dumeni a tumbula keongalo.

Eongalo laMundaungilo fiku olo, ola li yo la hafa eshi la pewa omufita omunyasha oo a nangekwa fiku olo. Omufitaongalo Johannes Mufeti pamwe na meme Mirjam Mufeti ova fikamekwa komesho yeongalo, noku yandiwa keongalo opo va yakule eongalo.

Johannes Mufeti okwa yapulilwa oufita eti 16.1.72 nokulonga meongalo eli eedula 4 manga ina nangekwa. Eongalo ola hangakenwa kolutu nokomwenyo nota li yakulwa keembinga adishe, osho K. Dumeni a ti, omolwameme Mirjam ta hakula mOshihakulilo nokukwafa palutu.

**Omushiivifi:  
F. Shikomba**

# JESUS OKWA LI WO KWA IMBI MUUDHIGU

Momalongelokalunga gomaitaalo gi ili nogi ili, otatu adha ngaa owindji elongitho lyomusiki, unene pakwiimba. Nomusiki omuntu otii iholola sho u uvite meni mombepo ye, sho ewi te li zaleke niitya. Unene moongeleka dhopakriste, ekwatathano pokati kohapu newi otali ningi kumwe uyamba uunene wopamusiki.

Omusiki yopangeleka oyi na omidhi dhayo mEtestamendi Ekulu. Omaimbilo ogendji ga simana gomEtestamendi Ekulu ngaashi ondjimbo yaMirjam, yaDebora, yaMoses, Omapsalomi, Ondjimbolela yaSalomo, oga imbwa nohaga imbwa nonena.

Momusiki yEtestamendi Ekulu: kwa longithwa iihikomwa: nebel, kinnor, shofa (Jos.6). Aajuda aalongelikalunga yotango nomelongelokalunga lyawo mwa longithwa omusiki pakwiimba. Okulesha Ombimbeli kwa ningwa wo pakwiimba nosho omagalikano nomahambeleo.

Motempeli etanga lyaaimbi oli thike pundyoka lyaahiki yuuhumba. Aalumentu nuumatyona ya imbi taa yakulathana, ndele omukalo gwa tseyika unene ogwokwiimba pamalufu; gumwe ti imbi nokuolo tayi yamukula.

Owindji okwiimba okwopakupopya niihikomwa "okuthindikila" nenge okuhika mpa aaimbi ye na uufudho. Iihikomwa ohayi longithwa owala motempeli hamosinagoga. Mosinagoga kehe omulumentu e shi Ombimbeli nomagalikano nawa, oha vulu okwiimba ta yamukulwa kegongalo. Ihe motempeli, aalevi ayeke.

Aakriste yotango oya kutha wo omukalo gwAajuda, ya gongala motempeli mosinagoga melongelokalunga lyawo. Haa gongala momagumbo moka ya topola oshikwiila. Oya thigulula omukalo gwelongelokalunga lyomosingoga: Omapsalmi, omaimbilo nelesho lyEtestamendi Ekulu.

Oko wo ya thigulula iitya yOshiheberi, Amen, Halleluja, Hosianna nosho iitopolwa yopaliturgi; Omuyapuki. Uulalelo Uyapuki owo oshitsa shopokati mokugongala kwaakriste. Okwiimba okwa li wo megongalo lyaakriste yotango: Kor.14:26; Kol.3:16; Ef.5:18-19; Jakob 5:13. Embo lyomaimbilo lyEtestamendi Ekulu olyo Omapsalomi, nolya li wo lya longithwa kuJesus.

Muudhigu okwa imbi ondjimbo yonkugo (Ps.31:6; Mat.27:46). naasho ta si, eimbilo lyegalikano lye olyOmapsalmi (Ps.221:2; Luk.23:46). Okwiimba Omapsalmi kwaakriste oku na oshikalimo shi ili shaashi ngaashi shAajuda.

Aakriste oye na Kristus oshitsa shopokati. Oya hulitha aluhe ondjimbo yawo nuukwatatu: Esimano lyaHe nolyOmwana nolyOmbepo Ondjapuki, ongoshihako. Aakriste yotango oye shi tseyi, kutya embo Psalttari

olya kwatelelamo ashihe shoka hashi inyenge muyo. Athanasius ota ti:

"Ondi itaala kutya miitya yOmapsalomi omwa kwatelelwa okukalamwenyo nokwopambepo kwomukriste kape na shimwe shi li pondje yOmapsalomi".

Omumbisofi Ambrosius naye wo okwe shi popi ngeyi: "Omapsalomi ogo ewi lyegongalo".

Mombimbeli omu na wo omaimbilo gamwe ngaashi Omapsalomi haga ithanwa "ookanticum" mOshilatina, "canticum: eimbilo" Inaga yooloka unene kOmapsalomi. ohaga longo wo peha lyOmapsalomi. Pamusiki oKanticum oyi na omukalondjimbo gwopapsalomi. Ngoga ga tseyika nawa mEtestamendi Ekulu ongaashi:

Ondjimbo yaMoses (2Mos.15 na 5Mos.32.), Ondjimbo yaalumentu momulilo (Dan.3) iitopolwa yopapokrifika kaayi li mOmbimbeli yetu nosho Ondjimbolela yaSalomo mEtestamendi Epe. Ookanticum ongaashi Ehambelelondjimbo lyaMaria MAGNIFICAT; Ehambelelondjimbo lyaSakaria (Benedictus Dominus) nehahambeleo lyaSimeon (Nunc dimittis).

Omadhina ngoka gOshilatina ohaga longithwa owindji nogo iitya yetameko yomaimbilo ngoka. Mokati kaakriste omwa holoka omaimbilo naangoka gopaliturgi ngaashi Fil.2:6-11; Tim.3:16, taga popi Kristus, nosho omakundo nomasimanekondjimbo gomoombilive dhAayapostoli nomaimbilo gaKalunga nOnzigona gomEhololo.

Okwa holoka wo koonkondo dhOmbepo, omaimbilo galwe. Omwenyo gwegongalo o gwa li mpoka sho iilonga iinene yaKalunga muKristus ya pendutha omahambeleo nomasimaneke okusimaneke Kalunga He nOmuwa Jesus Kristus, Nomweegululi gwomitima, Ombepo Ondjapuki.

M. Kambudu



Magdalena Kambudu

**Oshituthi shomatsali osho oshititatu shomii-tuthi itatu mbyoka ya li ya simana noonkondo, onkee osha li hashi dhengele komuJuda kehe nando a kale kokule naJerusalem shi thihe peni, onkee ngaa ta tegelelwa a kale musho.**

lituthi iikwawo oya li: Opaasa, oPentekoste naashika ihe shOmatsali.

Mesiku ndika lwopo 15 Kotoba Aajuda oya li haya dhimbulukwa Kalunga sho a li e ya enditha mombuga. Onkee oya li owala haya dhiki omatsali pondje yomagumbo taya lala ya tala oonyothi, pamwe naashika oya li wo haya hambelele Kalunga molweteyo nomolweshito alihe ye li pewa omagano.

Omanga ye li ya nyanyukwa noya kuta mesiku lyahugunina, ohaluka Jesus ota igidha.

"Ngele ku na ngoka a senota, ne ye kungame, ye na nwe".

Jesus mpoka okwafa a hala okutya: "Ne ota mu pandula nokusimaneka Kalunga omolwomeya ngoka hamu ga pewa opo mu ikuthe enota ndyoka tali hepeke omalutu geni. Ileni kungame ngele omwa hala omeya ngoka taga kutha oomwenyo dheni enota".

Mpaka Jesus okwa ningi eigidho ndika kaantu opo ya dhimbulule enota lyawo lyokusenota Kalunga, osho wo iinima mbyoka tayi kalelele.

Ehiyo ndika otali nyanyudha omupulakeni kehe oshoka okwa uvanekwa kutya omeya otaga pewa kehe gumwe e ga hala shaa owala ta yi nkoka a ithanwa.

Omanga omusinota ta matukile komeya ngoka a lombwelwa. Ota dhimbuluthwa oshinima shimwe kaa ye keeshi na ngele ta ka tala omeya. EITAALO.

OONGOKA ITAALA, ngaashi oramata tayi ti meni lye otamu ka tondoka mo omilonga dhomeya omanamwenyo" Joh.7:38. Jesaja ota popi nkene omwiitaali ta kala omulonga gwo-mwenyo Jes.58:11,44:3.

**A. W. Amutenja**

## **Etokolo lokudipaa mohofa ya Swakop, ola pewa oushima kO-ngeleka.**

**Opa kundanwa moifo ihapu kutya oshilonga shovapopili vovapangulwa vahamano va SWAPO mohofa yaSwakopmund, fimbo shi li metifa, osha endelwa kohedi, nde tai li po ounongo aushe ou kwa li wa holekwa.**

**Mepangulo eli vavali ova mangelulwa, vavali ova pewa ondolongo yeedula nhano fiyo heyali navavali ova tokolelwa efyo.**

Ouyelele wa holoka po paife, otau ti kutya ovapolifi voinheya, ova mona omhito yokuvandamena oiholekwa yoshilonga shoohahende ovapopili, kashi li paveta. Oiholekwa yeembanngi novapangulwa, oya shilvika.

Noshibofa shovapangulwa, osha indilwa shi shune mo natango meendabo.

Ovakwafeli vavali moilonga yokuvaka oiholekwa ovo va kala hava longo mombelewa yeehahende, ova tewa mo paife moilonga.



**Hamushanga omukulunhu wOngongahangano yOvakwaluther Carl Mau.**

Eengeleka dihapu muNamibia nopondje yoshilongo, oda yandja oushima ketokolo lokutula ovapangulwa kohake. Omatumwalaka amwe a tuminwa Epangelo la S.A. omolwetokolo, okwa leshwa ngaha:

■ "Otu na ombada kutya etokolo eli otali ka pendula natango olungwenye momaongalo etu ovalaule..." (Anglikani, Metodisti, na VELKSWA).

■ "Onghundana yaasho sha pita metokolo lomhangu, otwe i tambula noluhodi linene. Ngaashi twa li twa halwifwa kefyo loministeli Filemon Elifas, osho yo hatu tale etokolo eli, kutya itali ka eta yo ombili, nde shapu omakolokosho mahapu,.." (Epangelongeleka lOngeleka onghwaevangeli paLuther muNdo-wishiland).

■ "Etokolo lefyo moshilongo osho shomau-pyakadi mahapu otali ka etifa ashike natanngo omaukolokoshi makwao... (LWF)"

**CCC**

## AKWEGA KWA MOKWEYO


"Otshishungumati" tshoomvula 40 Tshikomba tshAmakutuwa gaTshigwedha tshUugege wEpuku nomufukontu Ngondo Niilonga yaTshilongo gwoomvula 30, oya li negumbo lyawo mOthika mUukwambi.

Momumvo 1917, Ngondo okwi ivutula okamati Mokweyo. Okwe ka lukile onganga Akwega kwaNamalenga.

Manga okaputsage, okwa yi kohambo kUutsima, 1925, hoka i ilongo okuyuula oohi mefundja.

Mokweyo a tembukile kUukwanyama pehulilo lyomumvo 1925 nkoka Akwega a tsakaneke aanona aakriste oshoka mUukwambi okwa mono owala aakriste aakuluntu, hekulu Erastus Tshilongo naAmwiindili Tshilongo, ndele osha li sha tsima kuye. Unalumwe okwa fogola efo membo lya hekulu.

Omukriste gumwe omukadha Fritsa lipinge meme Kristina, okwa si 1926 naAkwega a mono oosa dhoshikriste.



**Omusamane Abed Kandongo, omulongi gwa-Mokweyo**

### S.Africa oku li komeho

Pahokololo lyEhanganombimbeli mUuyuni (1975), S.Africa okwa ya ngashingeyi komeho mokunyanyangidha Oombimbeli shi vule iilongo yimwe palwe muuyuni.

Omumvo 1927 Mokweyo okwa galukile kUukwambi a tula pomukunda gwawo Otshipoteka. Mpaka Akwega a tseyya oondanda dhimwe A.K.L. nokwa mono omahambeleso gaanamatemba. Ohango-ehokano nepiitho-eshasho. Omuvithi okwe mu tala omuntu ta popi ontsinu, oshoka okwa li ta popi Oshindonga.

Omumvo 1930 Malima Amakutuwa okwa si mekondjelo lyuuthiga lya fala Mokweyo kOngandjera. Oko Akwega a yi mesakalo lyOkrismesa. Mpaka oya tsaathana iingomongomo nomumati Tshivute Mbwalala kaa yaye nande omomambo, oshoka aanamatemba ihaa li oohula.

Ihe Tshivute okwa tameke osikola nokwa li e na omutse omupu, okwa longo Akwega omahokololo nomaimbilo "Endeleleni yakwetu amuhe....."

Omumvo 1932 Mokweyo okwa galukile kUukwambi kOthika. Akwega a yi kohambo yambala koongombe dhomukwaniilwa Ipumbu. Ohambo oya li popepi nOniiyulu. Eti 25 lya Aguste 1932, omadhila ga nambele koshana shaKondo, opo Akwega a mono aatiligane, aakwiita yaSuid Afrika lwotango.

Omumvo 1933 Akwega okwa tameke osikola mOthika. Omulongi gwe oJesaja lipumbu. Esiku a tameka osikola ina za moohe ta yi kosikola ando oyo a lila onguta, aawe. Okwa yi kOmapale kuyakwawo nokwe ya landula omukowa gwombwa, oyo Katshitshiwa naAngombe Tshimwele. Nani aalumentu oye mu tsala kuNekanda kosikola.

Mosikola otshikako shotango omomapakolwa; oshitiyali omOkambeende; oshititatu omOksperi - Omumvo 1934 osikola yothinge okwe yi longwa kOkando kuPaulus Nuuyoma. Otshikako otshitiyali okuJona Amukushu hekulu kOmagalanga, ngoka e mu tumu mosikola yeshasho muJunie 1934. Aalongi mosikola oHeikki Saari, Maria Ala Nikkula naAbed Kandongo.

Eti 16 lyaDesemba 1934 okwa shashwa kuSaari. Okwa li a hala a ninge Junias ihe aniwa ooJunias oyendji, ihe okwa li ngaa a hala edhina epe li na J. Okwa shashwa Jason.

Jason manga a li mosikola yeshasho okwa li a dhiladhila a kale ngaa mosikola sigoosigo nando onakolekwe. Komeho okwa tala okwahala a ninge omulongi. Ihe sho a lesa muJakob; Aamwameme, itatu hala oyendji mu ninge aalongi" okwi isi uunye.

Eti 7 lyaKotomba okwa yi puukalele pumuhoongi Erkki Hynonen. Mosikola yaanona okwa piti mo 1937 konima yomimvo 3 e ta kala moshigongi shaagundjuka. Omulongi gwe oFestus Amutenya.

Osikola yekoleko okwe yi tameke muElim 1946-1949. Pethimbo ndyoka okwa kala ta longo aanona, ye ti ilongo uuteologi.

Okwa yapulilwa uusita eti 9 Kotoba 1949 nokwa langekwa mOniimwandi eti 16 lyaKotoba 1949. Epangelongeleka lye mu langeke

mEnongelo Engela, 1953, ihe omumvo 1955 a tembukile kOmagalanga, oshoka okwa li e na oku ya kosikola kuSoomi nenge kuOscarberg, e ta shuna kEngela 1956.

Omumvo 1959 okwa yi ketsikilo kuStofberg, Gedek Skool, e ta galukile kEngela 1961. Okwa langekwa omutonateli gwoshitayingeleka shUuninginino. Sho a toto etsali mOshiteyi, Ongandjera, okwa lukwa "Tshiteyi" omumvo 1964-1965 okwa shuna awike kEngela e ta galukile kUuninginino. Mu 1 Juni 1976 ota ningi omulanduli gwomuhongi Toivo Pentikainen a yakule aayakulingeleka ya ELOK.



**Omulongi Rehabeam**  
Auala, ngoka a pewa onkato meilongo lye mosikola yokombanda ya S.A. Ngashingeyi oku li omulongi mosekundosikola yaShakati.

## "INATU SHOLOLENI OKULIHONGA" EKUMAIDO LOMUHONGWA

Paife fye otu li mefimbo lidjuu Shili. Efimbo olo la pupyala nai keembinga adishe. Ndele oshilalakanenwa shetu okulihonga opo tu pendule po oshiwana shetu. Onda lineekela kutya keshe omunyasha oo e li meumbo iha i kofikola ndele oku na omayele oku li po te lili ominwe, shashi efimbo laye la pita nale.

Apa onda hala ashike okukumaida ovahongwa vakwetu kutya inatu shololeni nande okulihonga, okuvandamena momambo oo tu a na.

Nande pe na oinima ihapu tai piyaaneke, efa, ndele to tu eengolo koshipala shaKalunga. Oye Omunaenghono adishe e dule neehamba.

Natu kaleni nawa nombili novahongi vetu ovo tave tu hongo ondjila yOmwene. Ino yavala ta tukana ove ino nyamukula ko sha, osheshi mukweni ye okwa xula, manga ove to likosho keenyala u shiive u twikile kokule.

Ino yavala ta ti: "haame nde ku kufa keumbo laxo nanyoko," ahowe. Kala u na ombili naye shashi ove owe uya okulihonga.

Hano tu kaleni twa tala kuKalunga oye e tu shita, fye eedi doufita waye.

Lebeus Bræn Caud Hamata

## EMBO LYA PITA MIIKUKUTU

Edhina lya za mOshigreka o "Biblos" nenge "Biblia" tashi ti omambo. Ohayi ithanwa wo Omanyolo omayapuki, oohapu dhaKalunga. Embo ndika olya topolwa mEtestamendi Ekulu nEpe. Etestamendi otashi ti "ehangano" nenge "euvathano". Tse ohatu li ithana Ombimbeli.

### Aanyoli yembo:

Aanyoli oyo aantu aayapuki noya thiminikwa kuMbepo ye shi ninge 2 Petr. 1:19-21. Kalunga okwa pe aantu Mbepo Ondjapuki ya holole ombepo ye kuuyuni. Aanyoli katu ya shi naanaa, ndele ohaku tiwa aanyoli yEtestamendi Ekulu oye li 21 manga yEpe ye li 10.

Embo ndika olya nyolwa muulethembo womimvo 1500.

Nge tatu tala iiholoka yOmbimbeli, otatu ndhindhilike ngeyi iikumitha.

**1. Oya holoka pankumwe.** Kalunga okwa longitha aantu 31 ya nyole Ombimbeli muule womimvo 1500. Aantu mbaka kaye shi yepipi limwe ndele oye na ekwatathano miinyolwa yawo.

MEtestamendi Ekulu otaa popi Omutegelelwa Mesias nomEpe omu negwanitho, Jesus e ya omukoleki gweitaalo lyetu, tatu mu tegelele ta holoka meadhimo lyaaluhe.

**2. Ehulithopo lyembo.** Muuyuni kamu na embo lya kondjithwa nolya tondiwa nolya pendula efupa nokatili maantu ngaashi oraamata ndjika. Aakesari peshimbiko lyuukriste oye yi itakeke ye yi dhime po Mevi limwe aantu 150,000 oya panguliwa eso sho inaa hala okweetha embo ndika. Oya mangelwa kiiti e taa fikwa oya kangwa piikangwa, oya shwagununwa kiilikama. Aahokololambinzi ya talithwa omalwa Ndele ayihe mbika oyi ituntula ko owala.

**3. Okupungulwa kwayo.** Oramata oya li ya pumba noyi na ondilo. Omimvo odhindji oya nyolululwa nomake. Molwomahepeko oya holekwa momakololo, moondunda nomoombila. Oya holekwa koho yiiteta nomii-mbototo, opo yaa yonwe po kaatondi. Kalunga a kwatha oohapu dhe dhaa kane.

**4. Etaandelo lyOmbimbeli.** Aafadhukipo oya taandelitha embo ndika, nelunguko "Mbi-mbelihangano" otali taandelitha Ombimbeli meendelelo. Ekodhi limwe Voltaire lya li ko methele 18, olya toto Oshinyanyangidho shokukondjitha Ombimbeli nolya hunganeke kutya konima yomimvo 100, itaku ka kala we omuntu ta kala nOmbimbeli. Ina vula sha.

Aaroma oya fike po Eembimbeli ndee peha lyembo kehe opwe ya gatatu nenge gane. Kalunga mwene a takamitha oohapu dhe. Okwa longitha aatondi opo oohapu dhe dhi taandele.

Ombimbeli nena oya lundululwa momalaka ogendji muuvuni. Momalaka 2796, konyala 2000 oge nOmbimbeli.

Ombimbeli embo lya dhinga ko, oshoka olya elaka lyaKalunga kaantu.

Jason Amakutuwa

# KUKU HAAPANEN TA TI: KALII PO NAWA AMUHEMUHE

Nani ethimbo lya thiki uuna ndi noku mu laleka ndi shune kOsoomi. Omumvo 1938 onde ya huka mOwambo. Aalukonda ya taamba ndje tango. Kuku Hilma Kupila natate Josafat Shuuya oya longo ndje Oshindonga. Tate a nyolitha ndje omayeletumbulo gamwe, ndi ilonge elaka.

Onda li kandi uvite ko unene, ihe "Waa nompagona, ku niilya". Petameka lyomumvo, 1939 nda tameke oshilonga shandje mOsikola yaakadhona mOshigambo, nonda kala ko sigo pehulilo lyomumvo 1960.

Ethimbo olya li ewanawa. -One aakulukadhi mwa simana—omuntu nge ta kulupa, iinima yonale ote yi tala ngashi omafano taga talwa.- Ngoye Hilma, Justina, Anna.. onde mu mono mokukuutumba motundimbimbeli, nenge metala lyokutungwa, nenge molugumbo mokumwa omwiidhi. Gumwe gwomue a tanga none yalwe mwa zimine... Otandi mu yuulukwa..

Momimvo 1961-1963 onda li moKavango, kOsikola yaakadhona muNkurenkuru. Aakadhona aaholike naakuluntu yeni, itandi mu dhimbwa nandonando. Kalunga ne mu yambeke.

Omimvo 1964-1976 onda kala omudhiginini gwooKoshuise dhOwambokango. Edhina ndika epe lya tungwa, otali eta mungame omadhiladhilo ngoka tandi nyengwa oku ga tumbula.

Inandi wapa okugwanitha shoka kwa li nda tegelelwa ndi shi gwanithe. One aalongi, one mboka mwa hogololwa mu kale aakuluntu yooKoshuis peha lyeni, inamu futwa sha, ihe mwa dhiginine oshilonga sheni nando mwa li mu na uudhigu. Taambeni epandulo lyandje.

One oomatrone yongashingeyi, one tamu humbata iimpwiyu ayihe. Oshilonga sheni oshine

nene oku palutha aanona niikulya iishona. Oshikaha shaKalunga nashi kale kombanda yeni, iishona yi ninge oyindji.

Pokati mpaka ondi na okutumbula "Handwerkskool yokOlukonda" (Osikola yiikaha) momimvo 1967-1973. Etameko lya li enyanyu.. nehulilo oluhodhi. Unene one aalongi, mwa longo nuupenda ihe ekwatho lya li kali po nosikola ya li yi na okupatwa.

Ihe aakadhona ne, one mboka mwa piti mosikola ndjoka, omwa nyanyudha ndje natingo noontungwa dheni dho opala shili. Faleni oondunge ndhoka komeho, opo oshilonga shookuku shi simanekwe, "Omukiintu ontungwa".

Aasamane, mboka mwa kala miilonga yandje, metungo, moshini nenge okuhinga iihauto, mwa li mwa kala aainekelwa, mu tangwe omolwashoka.

One aakuluntu ya Elok, mwa taamba ndje miilonga nomwa zimine ndje ngaashi ndi li. Eiddhidhimiko lyeni nohole yeni oya li ya gwana sigo ngashingeyi.

Onda li nda kala mpaka ngaashi maandjetu. Okwiigililathana oshitya oshiwana. Onde shi ilongo mpaka nondi noku shi ilonga natingo maandjetu mevi lyaSoomi.

Kaliipo nawa one amuhemuhe. Eimbilo 473. Jesus nge te enditha ndje...

Gweni  
Helmi Haapanen

## IILYO YO SCM TAYI NINGILWA OSHIGONGI

Ewilikongundu lyEhangano lyAailongi Aakriste olya tokola li ningile mboka ya li nale iilyo yehangano ndika oshigongi.

Oshigongi otashi ka kala ko eti 8-10 lyaKotoba 1967, mOsekundoskola yOkahao. Omolwoompumbwe dhoshigongi omukwashigongi kehe na etelele R3-00.

Mboka ye na ehalo oku ka holoka koshigongi, ihe oye li kokule nehala nkoka taku ka ningilwa oshigongi, otaya tegelelwa pokefengeleka yaShakati, mpoka taya ka monenwa osheenditho shoku ya thikitha kOkahao meti 7 lyaKotoba.

## OTO DHIMBULUKWA TUU OMAUVANEKO GOMUWA

Ngashingeyi uuyuni ou li po wa ninga oshilongondjodhi, wa nika epiyagano, iihuna yowala! Uudhigu wa ndumbala momitima dhaantu, uuntsa nuukwanambili tau holoka, sata-na ta ligola ondigolo onene ombinzi sho tayi tika.

Ihe aayapuki yOmuwa otaya kala megalikano lyaaluhe, ya kondjithe omutondi. Otse

aathigipo yevi ndika, tu ye kuTate megulu muuyelele we waaluheluhe.

Dhimbulukwa Omuwa sho a lombwelele aayengeli ye ta ti: Indeni kombanda yevi alihe mu ka tilehi iyaha iheyali yombinzi. Hasho tashi ningwa, nando uuyuni inau hula po?

Tu kaleni megalikano metegameno, opo Tate e tu sile ohenda e ke tu taambele megumbo lye lyaaluhe, uuna twa sinda omutondi gwetu.

M. Ndinelago Shigwedha

Aanamibia yomu C.D.M. okwa li ya gongala nuumvo mu Mai ongetsaathano omukumo monakuyiwa yevi lyawo. Oya li ye thike lwopo 800, opwa li aapolosi ya S.A. aatiligane yaali, nomuluudhe gumwe, mbaka oha ya kala po aluhe omolwoveta nelandulathano.

**SHOKA SHA KUNDATHANWA PO**

liningwanima muNamibia nomuuyuni. Omutumba gwaWindhoek pamavigumbo. Ondhalate natango uupika ngaa.

Omutumba gwaWindhoek ngele itagu zimine ongundu wo yopolotika onene yaNamibia, SWAPO, nena itagu ka tompola po sha nande.

Oonkwatwa dhopolotika nadhi mangululwe nena otaku kundathanwa emanguluko lyashili.

Omatiminiko, omatilithe pamikalo tadhi yonopo omalutu gAanamibia oga vuka noitaga topola sha. Olutu lwomuntu otalu vulu okuyonwa po thilu, ihe kaku na nando ogumwe ta vulu okuyona po ombepo yomwenyo gwomuntu, oshifetha shaKalunga.

Inamu zimbuka okugalikana oshoka ethimbo tu li mulyo edhigu, notali faneke wo ehulilo lyuuyuni.

*I. U. DAX Kalenga*

**A futithwa 20c kohofa**

HONIARA (Solomon Eilande) Omukulukadhi gumwe okwa holoka mompangulilo, mokantuntu ka tumbulwa, sho a monika ondjo yokutuka omusamane gwe. Okwa geelwa 20c.

**"TSE OTATU LONGO NAKALUNGA"- SWAPO**

Ndika oloyo etumbulo lya li lya popiwa moshigongi shaSwapo omasiku ngaka, mOmbaye, pongeleka yAakwaluuther, molukanda lwaKuissebmond.

Swapo okwe shi popi nomuthindo, kutya ehanganolye kali shi ekomunisi ihe otali longo metilokalunga.

Okwa ti wo kutya ye ota ekelehi elongitho kehe lye-kuni, ihe ota kondjele uuyuuki wAanamiibia ayehe.

Oshigongi osha li sha tamekithwa negalikano komusitagongalo H. Uanivi. Omunashipundi omusamane A. Katamila okwa egulula oshigongi. Okwa tsu aakwashigongi omukumo.

Omusitagongalo Festus Naholo ngoka a li a popi peha lyomunashipundi, omusamane Nathanael Maxhuilili, ngoka e li mondholongo yomegumbo okwa ti:

"Swapo okwa pandika koopelesenda 60 sigo 70 dhomuSuidwes. Omutumba gwomukankaveta gwaSuidwes mOvenduka otagu lalakanene elongitho lye-kuni."

Okwa tsikile ko ta ti: Osho naanaa elalakano lyo-Turnhalle okutopola evi muupambu, ngaashi emanguluko ndyoka lya gandjwa umasiku ngaka koCaprivi naRehoboth. Shika otashi ulike kutya kagu shi okwiinekelwa.

Oshigongi osha li wo sha hogolola ewilikongundu epe moka ya koleke kutya omusamane Sam Nuuyoma oye ngaa natango omupresidende gwoSwapo.

Konyala aalongwa aaluudhe ye thike 2000 yomoosikola ntano dhaSoweto muJohannesburg, oya ningi oshipotha kaya longwe iilongwa yoMatematika noSosiale Studie, mOshimbulu.

Elombwelo ndika olya li lya ningwa komukuluntu gwelongo lyaaluudhe moshitopolwa shaTransvaal yokolukadhi. Moka okwa li a tseyitha kutya iilongwa nayi topolwe pokati yi longwe mOshimbulu nomOshingilisa.

Oosikola dhimwe odha lombwelwa nale nokuli kutya itadhi ka pewa we aalongi aape ngele odha tindi oshinima shika. Aanashipundi yookomitiye (yatan) oya kanitha nokuli iilonga molwaasho ya tindi okuvulika kelombwelo ndika.

Aalongwa naalongi otaya nyenyeta molwaashoka elaka lyOshimbulu inaye li longitha nale.

Oshinima shika shokulonga aantu mOshingilisa osha totwa po nale komusamane Lord Milner konima yii-ta yaAingilisa nOombulu ("Anglo Boer War").

Oombulu pethimbo ndyoka odha li dha kondjo opo dhi longwe melaka lyadho dhene. (The Star 22.5.76.)

**EONGALO EENHANA LA PANDULA**

**Ohatu pandula unene ovakwaita vOmwene eshi mwe tu kwafa mokuwapaleka Ongeleka yetu meuviliko. Oimaliwa yeni oya fika nawa.**

**Ovalange:**

<b>Jonas Haindongo</b>	<b>R46,62</b>
<b>Paulus Jona</b>	<b>R10,00</b>
<b>Filippus Shipopyeni</b>	<b>R 6,59</b>

**Ovambaye:**

<b>Elifas Haufiku</b>	<b>R25,62</b>
<b>Ohandi mu halele omapuniko aKalunga moi-longa yeni.</b>	
<b>Ponhele yeongalo,</b>	
<b>Ev. Salomo Namunyekwa</b>	

**Aahogololwa oye li ngeyi:**

Aron Mushimba, ngoka a pangulilwa eso, omudhiginini gwiimaliwa. Axel Johannes, ngoka e li mondholongo sho a tindi okugandja uumbangi mepangulo lyiilyo yaSwapo mOshiwakopo, okwa hogololulwa a kale amushanga omukuluntu. David Merero, ngoka a fadhuka po moshilongo, 1975, okwa hogololulwa a kale natango omunashipundi, omanga A. Katimila ta kala omupehanashipundi.

Daniel Tjongarero amushanga gwomatseyitho noma-ulukilo.

Othinief Kaakungwa, omupehamushanga, manga omusita Festus Naholo a ningwa amushanga gwiinima yopondje. Jason Angula, amushanga gwaaniilonga, nosho wo gwomithigululwakalo neliko. Oshigongi shoka sha li sha kala uule womasiku gatatu osha li sha ningi iipopwiwa oyindji. Omwa li mwa kumagidhwa Aandowishi yomuSuidwes sho ye na natango omikalo dha taganana, osho wo epangelo lyaNdowishilanda.

Omahanganano gopondje ngoka taga kutha mo eliko lyaSuidwes oga indilwa ga fendele kOraata yaNamibia pehala lyokufendela kuSuid-Afrika.

Swapo okwa hiya wo aatiligane yaSuidwes ya ninge iilyo. Okwa ti wo kutya aatiligane yamwe oye li nale nokuli iilyo yaSwapo. Omutiligane kehe ta ningi eindilo lyuukwashilyo, oku na okupita mekonakono lya dhiginina.

Advertiser+Suidwester 1.6.76.

## OHAPU YAKALUNGA AYIKE TAYI HANGANITHA

"Okwa nyolwa: Omuntu ita kala e na omwe-nyo koshikwiila ashike, ihe okukehe ohapu tayi zi mokana kaKalunga." Mat.4:4.

Otseni atuheni otwa tseya uuyuni mbuka nkene u li. Omu na uupyakadhi nomuntu ota vulwa mbala. Uuyuni mbuka wongashingeyi omu na iiningwanima oiyndji tayi kutha po ombili yomuntu.

Omuntu ota yuulukwa ekwatho, ihe ita tseya mpoka tali monika. Osho oshilonga shaKristus oku ulukila aantu ayehe ekwatho ndyoka mpoka tali monika.

Kalunga okwa tumu ohapu ye muuyuni, opo yi longe oshilonga shehanganitho pokati kaantun naKalunga nopokati kaantun naantun. Tseni otatu tseya nkene Kristus kwa holoka muuyuni nokwa longo oshilonga shehanganitho.

Oohapu dhaKalunga otadhi hokolola oshilonga shaKalunga dhi li mokati ketu. Odho tadhi tu ulukile ondjila methimbo ndika edhigu. Methimbo ndika, Ongeleka oya pewa oshilonga shoku ulukila aantu ayehe oohapu dhaKalunga.

Oohapu dhaKalunga otadhi tu pe etegameno epe methimbo ndika, sho tatu vulu okwiinekela Kristus oku na oonkondo dhokuhanganitha aantu naantu ooyakwawo mevi ndika, Kristus oku na oonkondo okulundulula omadhiladhilo getu kutya ongele uutondwe tatu vulu okudhiminathanapo oondjo.

Pethimbo ndika edhigu otatu pumbwa oohapu dhaKalunga. Ongeleka netumo kali na oshilonga shimwe shi ili, osho tuu ashike shoku ulukila aantu ayehe nomihoko adhihe Kristus, Omuhanganithi nomukwathi gwashili. Oohapu dhaKalunga odha kola, oshoka Jesus ota ti:

"Egulu nevi otayi hulu po, ihe oohapu dhandje kadhi na mpoka tadhi hulu po". Mark. 13:31.

Toivo Pentikainen



Omusita Jason Amakutuwa ta taamba etoloko epe lyEtestamendi Epe melaka lyOshindonga miikaha yomukalelipo gwEhangano lyokunyanyangidhitha Oombimbeli Iya S.A. Oshituthi shegandjo lyEtestamendi Epe melaka lyOshindonga, osha li sha dhanwa muMai megongalo IyaLukonda, mOndonga.

## OVALESHI VOMBIMBELI YOSHINDONGA

Ombelewa yomuyakuli wovanashilonga mOngeleka ya ELOK oya shiivifa nokutya Ombibeli yOshindonga ohai leshwa kovakriste 157,338. Momuvalu omu omwa valulilwa yo oilongo yomOuninginino hai longifa Ombibeli oyo.

Eshiivifo ola ti yo nokutya momuvalu ou ota mu wendelwa ovaleshi vOmbibeli oyo 30,500 vomOngeleka yaKatolika. Kumwe aveshe otava ningi 187,338.

Ovakriste aveshe mu ELOK ove fike 244,207 pavalulo lomudo 1975.

## OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofu dr. Leonard Auala. Amushanga Rev. Sebulon Ekandjo.

Ondando yoshifo komumvo muSuidwes nomuAfrika alihe R 2.00 kombanda yomafuta R 4.00.

Oondando nomambesitelo naga tumwe kOmukwetu Oniipa: P/B. 2013, Ondangwa.

Omatseyitho agehe gomuntu mwene ohaga futilwa kumwene.

OWAMBOKAVANGO CHURCH PRESS  
PRIVATE BAG 2013. ONDANGWA S.W.A. 9270